

**CYNGOR TREF LLANBEDR PONT STEFFAN**  
**COFNODION CYFARFOD MISOL**  
**25.11.2010 AM 7.30PM**  
**NEUADD YR EGLWYS**  
**LLANBEDR PONT STEFFAN**

**1. CROESO AC OFFRYMU GWEDDI**

Estynnwyd croeso i bawb. Offrymwyd gweddi gan y Cynghorydd Selwyn Walters.

**YN BRESENNOL**

Y Maer, Cynghorydd Rob Phillips (Cadeirydd);  
Dirprwy-Faer Cynghorydd Robert (Hag) Harris;  
Cecilia Barton; Andrew Carter; Elsie Dafis; Margaret Davies-Evans;  
Greg Evans; Lynda Mason-George; Selwyn Walters; Dorothy Williams.  
SCCH Ryan Jones;  
Mr Michael Freeman Ceidwad Amgueddfa Ceredigion;  
Y Wasg: Hannah Smith; Carl Stringer.

**2. CYFLWYNIAD YNGLŶN AG ARDDANGOSFA LLYFRGELL Y DREF**

Derbyniwyd cyflwyniad gan Mr Michael Freeman, Ceidwad Amgueddfa Ceredigion sy'n gyfrifol am greu'r arddangosfeydd hanesyddol, o fewn Llyfrgell y Dref. Holodd aelodau, tybed a fyddai'n bosibl i'w cyfnewid am rai newydd, yn amlach. Yn ôl Mr Freeman, byddai hyn yn dibynnu ar gymorth y gymuned a gwnaeth apêl i drigolion i chwarae ran allweddol mewn trefnu arddangosfeydd ac i gasglu artiffactau a ffotograffau o ddiddordeb i ymwelwyr a dinasyddion. Bu i'r Cyng. Selwyn Walters, Cadeirydd *Hanes Llambed*, gynnig cymorth y mudiad gwirfoddol i greu "arddangosfeydd diddorol sy'n cael eu cyfnewid yn aml". Bydd y Ceidwad Amgueddfa'n awr yn cysylltu â *Hanes Llambed*, mewn ymgais i wireddu'r cynllun.

**3. YMDDIHEURIADAU**

Derbyniwyd ymddiheuriadau oddi wrth y Cynghorwyr Tref John Davies, Kistiah Ramaya, Chris Thomas, Derek Wilson a'r Cynghorydd Sirol Ivor Williams.

**4. MATERION YN YMWNEUD Â'R HEDDLU**

**Bu i'r SCCH Ryan Jones ddiweddarau aelodau parthed digwyddiadau.**

**4.1 Parc-yr-Orsedd:** Y mae'r Heddlu'n wyliadwrus o'u harolygaeth o'r parc, yn enwedig ar ôl derbyn adroddiadau yn sôn am bresenoldeb gwydr yn y maes-chwarae.

**4.2 Polyn wedi ei ddifrodi ar y Cwmins:** Y mae'r polyn, sy'n eiddo'r Cyngor Tref yn cael ei drwsio gan Mr Alec Page. ***Penderfyniad: i ddarganfod y gost o atgyweirio'r polyn. Y mae ymholiadau'n mynd yn eu blaen gan yr Heddlu ynglŷn â'r drosedd.***

**4.3 Adolygiad o'r sefyllfa parthed goleuadau stryd** (ar ôl blwyddyn): Bu i'r Cyngor Tref (CT) yn ei gyfarfod Cyllidebol Ionawr 2009, ystyried yr opsiynau a gyflwynwyd gan y Cyngor Sir. Penderfynwyd yr adeg hynny i beidio â chadw goleuadau stryd penodedig ynghynn o 12 Canol Nos tan 5am ac fel canlyniad, cost ychwanegol i'r CT. Cytunwyd i asesu'r sefyllfa ar ôl blwyddyn. Gwnaeth y CT fwrw cipolwg ar y sefyllfa ar y 25ain o Dachwedd 2010. Yn ystod y flwyddyn ddiwethaf, y mae rhai goleuadau a ddiffodwyd rhwng 12Canol Nos a 5am wedi eu hail gynnu ar gais yr heddlu ee ar Stâd Penbryn, oherwydd troseddau. Cyfarfuwyd y gost gan yr Heddlu.

**Penderfyniad: i lynu wrth y penderfyniad gwreiddiol.** Ni welwyd yr angen i ymgymryd ag asesiad blynyddol o hyn allan. Petai problemau'n codi cânt eu hystyried yn unigol gan y CT. Holodd y Gyng. Elsie Dafis tybed a fyddai'n bosibl i gynnuau goleuadau stryd ar Fore Sadwrn a Sul yn unig (o 12 Canol Nos tan 5am). **Penderfyniad: i gysylltu â'r CSC i ddarganfod dichonolrwydd yr awgrymiad.**

#### 4.4 Cais am Feinciau Eistedd Cyhoeddus ar gyfer y Stryd Fawr

Gwnaeth y Cyng. John Davies ymholiadau pellach parthed lleoli mainc ar y Stryd Fawr. Soniodd am yr ymddygiad gwrthgymdeithasol, sy'n broblem ar y Stryd a holodd pwy fyddai'n debygol o ddefnyddio'r sedd ar ôl ei gosod mewn lle. Y mae perchenogion siop/ tŷ tafarn, yn anfodlon lleoli'r fainc tu allan i'w hadeilad oherwydd yr ymddygiad gwrthgymdeithasol.

**Penderfyniad: Gofynnwyd i'r Heddlu, tybed a fyddai'n bosibl iddynt ymdrin â'r ymddygiad gwrthgymdeithasol cyn clustnodi sylw pellach i'r mater ac i hysbysu'r person a gyflwynwyd y cais o'r camau a gymerir.**

#### 4.5 Cytunwyd i ddiolch i'r Heddlu am eu cymorth pan gadwyd dwy funud o osteg ar Sgwâr Harford, am 11 o'r gloch ar y 11.11.2010: Dydd y Cadoediad.

### 5. DATGELU BUDDIANAU PERSONOL A SY'N RHAGFARNU

5.1 Bu i'r Cyng. Harris ddatgan buddaint personol pan drafodwyd y posibilrwydd o godi cyfraniad y CT ar gyfer y Cynllun Lôn Picton. (Cyf-Cofnodion 7.4)

### 6. CADARNHAU COFNODION y cyfarfod a gynhaliwyd ar yr 28<sup>ain</sup> o Hydref 2010

Penderfynwyd bod cofnodion mis Hydref yn gofnod cywir. Arwyddwyd gan y Cadeirydd.

### 7. MATERION SY'N CODI

7.1 **Sgwâr Harford: manylion pellach:** Y mae'r CT wedi ceisio am gytundebau (Dyddiad cau 6ed Rhagfyr 2010). Nid yw gwelliannau'n ymwneud â'r Ffynnon a'r ardal y cerrig palmant ar hanner amfesur y Sgwâr wedi eu cynnwys o fewn y Swydd Ddisgrifiad. Cyfrifoldeb y Banc HSBC yw ardal y cerrig palmant. **Penderfyniad: i gysylltu â Rheolwr y Banc HSBC i ofyn iddo gysylltu â'r Maer er mwyn trafod gwelliannau o bosibl i'r ardal y cerrig palmant.**

**Gwaith yn ymwneud â'r Ffynnon:** Y mae'r Cyng. D.Wilson wedi cysylltu â'r Saer Maen John Jones i ymgymryd â'r gwaith arbenigol o drwsio'r Ffynnon.

7.2 **Cyfarfod Ymgynghorol Arweinydd a Phrif Weithredwraig CSC 16.11.2010, Neuadd Fictoria am 7.00pm:** adborth: Cynrychiolaeth o'r Cyngor Tref yn bresennol: Cyng. Barton; Dafis; Harris; Ramaya; Y Maer a'r Clerc. Soniodd Arweinydd y CSC sef y Cyng. Keith Evans am yr herion sy'n gwynebu'r Cyngor Sir oherwydd toriadau mewn cyllid gan y Cynulliad Cenedlaethol. Y mae blaenoriaethau'r CSC a ganlyn 1. Addysg; 2. Gwasanaethau Cymdeithasol; 3. Prifffyrdd; 4. Adran y Prifweithredwr, Adran y Gwasanaethau Amgylcheddol a Thai; Cyllid ayyb. Bu iddo grybwyll cyfrifoldeb y CSC i gynnal obligiadau statudol ee y ddarpariaeth o ofal ar gyfer unigolion mewn cartrefi Hen Bobl; a'r angen i ddarparu gwasanaethau mewn ffyrdd mwy effeithiol. Mae'n debygol y byddai cwtogi i wasanaethau eraill. Soniwyd am amcanion gwella yn ogystal â gweithio mewn partneriaeth. Trafodwyd y posibilrwydd o ddirprwyo swyddogaethau i'r CT ee blodau ar gyfer y dref yn ystod misoedd yr haf; cyfleusterau cyhoeddus, gyda'r bwriad o gynnig y gwasanaethau mewn dull mwy cynnil.

Parhawyd â'r ddeialog yn ymwneud â'r Ganolfan Integredig i Blant; gwella mesuriadau diogelwch ar gyfer Mountwalk a Lôn Picton, Problem Draffig Rhes Harford; newid siap y fynedfa i'r Maes Parcio'r Rookery, cynlluniau ar gyfer dyfodol Neuadd Fictoria; Gwaith Siarter- rhwng Awdurdodau Lleol a Chynghorau Tref a Chymuned & Arolwg o Drefniadau Etholiadol yng

Ngheredigion. Ar yr 28ain o Fedi 2010 penderfynodd y CSC i ymgymryd ag adolygiad o orchmynion traffig presennol sydd mewn lle dros yr holl sir.

**7.2.1 Mountwalk:** Yn ystod Ionawr 2011 bydd y CSC yn cyflwyno 3 set o grymachau distewi traffig ym Mountwalk a hefyd gwelliannau ar gyfer y system oleuo. Credid bod yna fygythiad i ddiogelwch cerddwyr, yn enwedig plant pan yn cerdded i ac o'r ysgol yn ystod amser pan fydd defnydd mwyaf o'r lôn. Gresynwyd y sefyllfa yn ddirfawr gan y Gyng. D.Williams; yn ei barn hi nid oedd yn bosibl i oresgyn y broblem drwy arafu cyflymder yn unig; ni ddylai cerddwyr gael eu peryglu oherwydd diffyg lle. Roedd yn allweddol i wahardd modurwyr rhag defnyddio'r lôn yn gyfangwbl yn ystod cyfnodau mwyaf prysur.

Pwysleisiwyd bod y CT wedi cael cynnig i leisio'i farn yn ystod y cyfnod ymgynghori Hydref 2009, pan dderbyniwyd cynigion y CSC i gyflwyno crymachau distewi traffig heb ychwaegu sylwadau pellach.

Adroddodd y Maer y gallai'r sefyllfa gael ei hail-asesu ar ôl dyfodiad y crymachau ac i adrodd unrhyw broblemau at sylw'r cyngor sir. Y mae trywydd arall ar gael ar gyfer cerddwyr.

**7.3 Gorlenwad Traffig – Stryd y Felin:** derbyniwyd llythyr o gydnabyddiaeth gan y CSC parthed yr ymholiad gan aelod o'r cyhoedd yn gofyn tybed a fyddai'n bosibl cyflwyno Gorchymyn Traffig yn Stryd y Felin yn gwahardd parcio cerbydau ar yr heol. Y mae'r cais wedi ei gynnwys ar restr o geisiadau a fydd yn derbyn sylw pan fydd adnoddau'n caniatáu. Y mae'n ddilys i gyflwyno Gorchymyn Traffig o'r fath, serch hynny, gall cerbydau wedi eu parcio ar y stryd, ddistewi cyflymder traffig ac fel canlyniad byddai diddymu'r ymarfer hwn, yn cynyddu cyflymder cerbydau'r stryd drigiannol. Rhaid ymwneud ag ymgynghoriad helaeth cyn newid Gorchymyn Traffig; gellir derbyn gwrthwynebiadau ac fel canlyniad ni gyflwynir unrhyw Orchymyn. Rhaid bod cyllid digonol ar gael ar gyfer yr Ymgynghoriad, arwyddion perthansol ac i farcio'r heol.

**7.4 Cau Mynedfa - Lôn Picton**

**Llythyr gan GSC yn mynegi y gallant fwrw ymlaen â'r Gorchymyn Traffig Arbrofol i gau un mynedfa Lôn Picton ar ochr Stryd y Bont.** Cyfnod y Gorchymyn yw 18 mis; yn ystod y 6 mis cyntaf gellir cyflwyno gwrthwynebiad. Yn ystod unrhyw amser o fewn yr 18mis gall y Gorchymyn gael ei addasu, ei waredu neu ei dderbyn. Cyfanswm y gost yw oddeutu £3,500. Holwyd tybed a fyddai'n bosibl i godi cyfraniad y CT o £1,000 i lefel yn uwch. **Penderfyniad: i gynnig £1,250.**

**7.5 Arwyddion o fewn y Dref**

- Arwydd ar gyfer y ffin Sir Gâr/Ceredigion: y mae'r arwydd wedi ei harddangos yn ddiweddar.
- Arwyddion Bryn-yr-Eglwys/Penbryn & Maesyderi/Gwêl-y-Creuddyn: disgwylir datblygiadau gan y CSC.

**7.6 Hysbysfwrdd y Cyngor Tref:** Y Cyng Wilson i beintio'r hysbysfwrdd yn ystod y dyfodol agos.

**7.7 Eiddo'r Cyngor Tref.** Adroddodd y Cyng Walters y gallai'r cadeiriau aros yn eu hunfan yn Swyddfa y Cofrestrydd, Llambod ar hyn o bryd.

**7.8 Cyfarfod Partneriaeth Pobl Ieuaic 19.11.2010 am 9.30am Hen Neuadd** Coleg Prifysgol Cymru Y Drindod Dewi Sant, Llanbedr PS: adroddodd y Maer fod y cyfarfod wedi bod yn fuddiol.

**7.9 Cyfarfod Mynyddoedd Cambria:** 9.11.2010 yn Nhregaron: Bu'r Cyng. Greg Evans yn bresennol yn ystod y Cyfarfod hwn. Mae menter Mynyddoedd Cambria yn brosiect eang ac amrywiol sy'n anelu at helpu hyrwyddo menter

wledig, gwarchod yr amgylchedd ac ychwanegu gwerth i gynhyrchion a gwasanaethau yng nghanolbarth Cymru. Caiff y fenter ei hariannu trwy gymysgedd o freindaliadau o'r defnydd o frand Mynyddoedd Cambria; grantiau gan y sector cyhoeddus ac ymddiriedolaethau; gwerthu lithograffau o ddyfrlliwiau EUB a rhoddion o'r sector preifat.

- 7.10 **Apêl Y Cerrig Beddau**; Presennol yn ystod y Digwyddiad Codi-Arian o'r 19eg o Dachwedd 2010 oedd y canlynol: Y Maer; Y Faeres Delyth Morgans; Cynghorwyr Tref M. Davies-Evans; C.Barton; K.Ramaya; D.Williams a'r Clerc. Codwyd swm o £145 yn ystod y noson. Bydd yr Apêl yn parhau am ychydig amser a bwriedir cyflwyno'r arian i'r Canon Aled Williams maes o law.
- 7.11 **Gwasanaethau Dydd Sul y Cofio 14.11.2010**: ger y Gofgolofn am 11.00am a Chapel y Coleg: i gofio'r rai hynny a fu farw'n ystod y Ddwyr Rhyfel Fawr y ganrif ddiwethaf ac mewn brwydrau terfysgol ers hynny. Bu i'r Maer ganmol aelodau'r Lleng Brydeinig am eu hymdrechion yn yr hyn a ddisgrifiodd fel, "unwaith eto, diwrnod a ddangosodd grym barch i'r ymadawedig". Croes-gyf Cofnod 4.5
- 7.12 **Ysgol Newydd Integredig i Blant 3-19**, Llanbedr PS: Y mae'r Cynllun Peilot yn mynd yn ei flaen. Adroddodd y Cadeirydd y byddai cyfle'n cael ei gynnig i aelodau'r gymuned i gymryd rhan mewn trafodaethau'n ymwneud â'r ysgol newydd yn ystod y Flwyddyn Newydd.
- 7.13 **Goleuadau Nadolig ar gyfer y dref**: Bu i'r Awdurdod Gweithredol lechyd a Diogelwch ymgymryd ag ymholiadau ynglŷn â'r dulliau a fabwysiadwyd gan aelodau'r Siambr Fasnach pan yn gosod y goleuadau Nadolig mewn lle. Atebwyd yr holl gwestiynau bellach ac y mae perthynas bositif yn bodoli rhwng y Siambr Fasnach a'r Awdurdod Gweithredol lechyd a Diogelwch. Hoffai aelodau'r Cyngor Tref nodi eu gwerthfawrogiad o waith aelodau'r Siambr Fasnach Llambod, sy'n rhoi o'u gwirfodd i greu Arddangosfa Flynyddol Nadolig o'r radd flaenaf.

## 8. GOHEBIAETH

- 8.1 **Cydnerthu Cymunedol, Cymdeithas Llywodraeth Leol Cymru**: er gwybodaeth.
- 8.2 **Asesiad Strategol Trosedd ac Anhrefn Ceredigion 2011**: i'w gwblhau gan y Cadeirydd.
- 8.3 **Adran Priffyrdd, Eiddo a Gwaith Adroddiad Diwedd Blwyddyn 2009-10**: at ddefnydd aelodau.
- 8.4 **Cynllun Gweithredu Blynyddol 2011-12 Awdurdod Tân ac Achub Canolbarth a Gorllewin Cymru**: er gwybodaeth.
- 8.5 **Shopmobility Symudol Ceredigion CCB 2010: Penmorfa, Aberaeron 1.12.2010 am 7.00pm**: nodwyd er gwybodaeth.
- 8.6 **Ail-lansio Cymdeithas Tai Canolbarth Cymru parthed tai fforddiadwy: Canolfan Rheidol, Aberystwyth**: er gwybodaeth.
- 8.7 **Cais am finiau Halen CSC** :i ofyn i'r CSC tybed a fyddai'n bosibl iddynt leoli bin ar faes parcio'r Rookery ger safle'r ysgol. Adroddwyd bod y cais am fin halen ar gyfer Stâd Penbryn wedi ei gyflawni.
- 8.8 **Blodau ar gyfer y dref dros fisoedd yr haf**: ebost oddi wrth Mr Paul Arnold CSC, yn mynegi, oherwydd dirwasgiad yn yr economi bydd yn ofynnol i'r cyngor sir o bosibl yn ystod y dyfodol, i ofyn i'r Cyngor Tref am gyfraniad tuag at y gost yr arddangosfeydd blodau
- 8.9 **Cais gan y Cyng. Greg Evans yn gofyn os oedd *Siarter Farchand* ar gael ar gyfer Llambod a'r rheolau a'r canllawiau ar gyfer cynnal marchnad yn y dref: *Penderfyniad: Y Cyng. S.Walters i glustnodi sylw pellach i'r mater.***
- 8.10 **Gwasanaethau'r Ardal: Holiadur**: i'w gwblhau gan y Maer.

- 8.11 **Penderfynwyd i gydymffurfio** â chais y Cynghorydd Sirol Ivor Williams i anfon llythyr o longyfarch i Mr Elgan Iorweth Thomas am ei wasanaeth di-dor o 40 mlynedd i'r cwmni WDLewis & Fab, Llambled.
- 8.12 **Gohebiaeth eraill** – nodwyd er gwybodaeth.

## 9. CYNLLUNIO

- 9.1 **CEISIADAU CYNLLUNIO CSC** (ymateb a gyflwynwyd gan y Maer/a/neu'r Dirprwy-Faer; Maer y llynedd)
- 9.1.1 **Parhau â'r gwaith** i gynnwys ardal y cyntedd presennol wrth gefn y llinell adeiladu â'r blaen siop alwminiwm sy'n gweddu ar yr amfesor- 10 Sgwâr Harford, Llambled. Rhif y Cais: A100594: Dyfarniad: Dim Sylwadau.
- 9.1.2 **Arddangos arwyddion** 17 Stryd y Bont, Llambled; Rhif y cais: A100870AV: Dyfarniad: Dim gwrthwynebiad.
- 9.2 **Panel Archwilio Safleoedd Datblygiad Preswyl**, tir gyferbyn â Brongest, Heol Llanfair, Llanbedr PS 26.11.2010 am 9.30am: **enwebwyd y Cyng, Harris i fynychu'r cyfarfod.**
- 9.3 **CANIATÂD CYNLLUNIO GAN GSC**
- 9.3.1 **Cyweiriadau a newidiadau** i'r cyntedd ar y fynedfa a gosod drws y fynedfa mewn safle gwahanol: Wern Driw, Stryd Fawr, Llambled. Ymgeisydd: Mrs J Waymong. Rhif y Cais: A100743.
- 9.3.2 **Adeiladu estyniad i'r bloc dylunio technoleg:** Ysgol Uwchradd Llambled: Ymgeisydd: Mr D Billingsley: Rhif y Cais: A100770CD.
- 9.3.3 **Adeiladu estyniad**, Bryn Llys, Heol y Bryn, Llambled. Ymgeisydd Mr A Hatcher. Rhif y Cais: A100762.
- 9.3.4 **Llain ar gyfer holl dywydd** gan gynnwys goleuadau llif: Ysgol Uwchradd Llambled: Ymgeisydd Mr Huw Morgan. Rhif y Cais: A100762.
- 9.3.5 **Estyniad ar gyfer y llawr** cyntaf: addasu'r adeilad presennol i gynnwys estyniad i'r rhemp ar y fynedfa a newid agoriad y ffenest i greu drws ychwanegol ar gyfer mynedfa. Ymgeisydd: Mr J Thomas. Rhif y Cais: A100589.
- 9.4 **Cynllun Datblygu Lleol Sir Gaerfyrddin: newidiadau i'r Cytundeb Cyflawni.** Mae Llywodraeth Cynulliad Cymru wedi cytuno'n ffurfiol ar y newidiadau a gellir gweld copi ar wefan y Cyngor [www.sirgar.gov.uk](http://www.sirgar.gov.uk). Gellir gweld copiau hefyd yng Nghanolfannau Gwasanaethau Cwsmeriaid y Cyngor, yn y Swyddfeydd Cynllunio ac yn y Llyfrgelloedd Cyhoeddus yn ystod eu horiau agor arferol. Hefyd gwybodaeth am gyhoeddiad Papurau Pwnc a Thystiolaeth Gefndir.

## 10. MENTER LLAMBED

- 10.1 **Y mae trafodaethau'n mynd yn eu blaen** parthed yr ymsuddiad yn ymwneud â'r Neuadd Fictoria.
- 10.2 **Cymunedau, Cynghorau a Charbon:** Cyflwyniad yn dwyn y teitl, *Beth allwn wneud os nad yw Llywodraethau'n barod i wneud?* Gan Alexis Rowell, parthed dyfodol carbon isel: Nos Iau 2ail Rhagfyr, Llew Du, Llambled.

## 11. CYLLID

- 11.1 **Cais gan y Siambr Fasnach**, Llambled yn gofyn tybed a fyddai'n bosibl i godi lefel yr yswiriant ar gyfer y goleuadau Nadolig (o £20,000 i £30,000). Bydd

yna dâl yswiriant ychwanegol o £260.18 + Treth 5% (ni ellir derbyn ad-daliad ar gyfer y fath yma o dreth), y cyfanswm newydd yw £883.87 y flwyddyn yn hytrach na £589.68 wrth gymharu â blynyddoedd cynt. **Penderfyniad: i godi lefel yr yswiriant ar gyfer y Goleuadau Nadolig i £30,000.**

## 11.2 TALIADAU

Tâl ar gyfer:	Swm £
Eglwys San Pedr: Hirio Neuadd yr Eglwys 25.11.2010: Cyfarfod y CT	£ 22.50
Tafleini – Dydd Sul Y Cofio	£ 25.00
Plethdorch	£ 20.00
Bachgen a ganodd corn, Dydd Sul y Cofio	£ 25.00
Costau storio, gwres, golau - clerc	£ 20.00
Cyllid a Thollau EM	£ 62.99
Cyflog y Clerc Tachwedd 2010	£589.28
Glanhau'r Llochesi Bws – Archeb Barhaol	£ 20.00
Torri'r Gwair – Cae Maesyderi – Gorffennaf 2010 – Mr Emyr Jenkins Siec Rhif 001852	£250.00
Papur/ inc/ Amlenni ayyb Compass Stationery Siec 001860 £96.32 TAW £18.86	Cyfanswm £113.18

**11.3 Y mae'r Archwilwyr Allanol BDO Stoy Hayward** o'r farn y dylai'r 3 arwydd newydd ar fyndefeydd y dref gael eu cynnwys ar Gofrestr Asedion Sefydlog y CT: *disgwylir cyngor gan GSC.*

## 12. IS-BWYLLGORAU

### 12.1 Goleuadau Stryd

**12.1.1 Bu i'r Gyng. D.Williams** drafod y golau ger y gofgolofn.

**12.1.2 Y mae'n bosibl i adrodd** namau golau stryd yn uniongyrchol at sylw'r CSC drwy gysylltu â'r Ganolfan Alw ar 01545 572572.

### 12.2 Llwybrau Cerdded

**12.2.1 Cynllun Llwybrau Cymunedol CSC 2011:** ffurflen yn cynnwys grant 50%: at sylw'r Cyng. Carter – i'w chwblhau erbyn y 1.02.2011.

**12.2.2 Soniodd y Cyng. Carter am y sticil ym Maestir** ac am y gwaith a gyflawnwyd gan Gymdeithas y Cerddwyr yng nghyffiniau Pont Creuddyn.

### 12.3 Camerau TCC

**12.3.1 Adroddiad misol Hydref 2010:** bu yna 4 cais gan yr Heddlu i arsylwi ar ddeunydd digidol yn ymwneud ag ymosodiad ar yr Heddlu; difrod troseddol, cadw trefn ar y cyhoedd ac ymosodiad.

**12.3.2 Fforwm CTCC ym Mhenmorfa 22ain o Dachwedd 2010** am 2pm: derbyniwyd adborth gan y Cyng. Ramaya a fynychodd y cyfarfod. Adroddwyd bod y 6 camera TCC Llambled yn weithredol i'r radd uchaf. Y mae'r Cytundeb CTCC rhwng yr Heddlu a'r CSC wedi ei gwblhau a'i lofnodi. Bydd holl Gynghorau Tref a Chymuned yn derbyn copi o'r Ddogfen. Nid oes angen darparu Adroddiadau Perfformiad CTCC, bydd Adroddiadau'n ymwneud â digwyddiadau'n ddigonol. Gofynnodd aelodau'r Fforwm, tybed a fyddai'n bosibl iddynt dderbyn Adroddiad Digwyddiadau a Chanlyniadau Eryniadau – rhai llwyddiannus a heb fod yn llwyddiannus. Dangoswyd olrhain digwyddiadau ar y camerau ac roedd ymateb prydlon yr heddlu'n amlwg. Soniwyd am y defnydd o wirfoddolwyr a chwnstabl dros dro i fonitरेiddio'r Camerau TCC- cytunodd y Fforwm mewn egwyddor â'r trefniant hwn.

**12.4 Rheoli Cae Maesyderi:** Cyfarfod 17.11.2010 – Cofnodion ynghlwm.

**12.5 Palmantau: i adrodd at sylw'r CSC y namau canlynol:**

**12.5.1 Palmant yn anwastad o flaen Tŷ Banc;**

**12.5.2 Namau'n weladwy** ar Stryd Y Cambrian;

**12.5.3 Problemau ar y palmant** rhwng Tlysydd Lloyd's a'r Siop *Tiggis*;

**12.5.4 Perygl Baglu ar y palmant** rhwng Siop Gwilym Price, Spar a'r Deintyddfa;

**12.5.5 Diffygion amlwg**-ar ochr y palmant ger yr heol ger Hen Neuadd yDref.

## **12.6 Parc-yr-Orsedd**

**12.6.1 E-bost** gan aelod o'r cyhoedd ynglŷn ag yfed alcohol "heb ei angen" yn y parc. Dywedodd y person dan sylw fod y ffens newydd, er yn hyfryd o ran ymddangosiad, yn tynnu oddi wrth y parc chwarae gan nad oes manau tryloyw yn weladwy ar y strwythur o bren. Fel canlyniad, y mae'n ynysu'r parc oddi wrth yr heol a'r dref ac yn atal darpar ddefnyddwyr rhag ymweld â'r maes-chwarae, gan nad yw'n bosibl asesu'r sefyllfa oddi-fewn, cyn derbyn mynediad. Yn ogystal, y mae "cau-allan" y parc, oherwydd y ffens, yn annog pobl i ymgynnull yno, mewn ffyrdd "na fwriadwyd."

**12.6.2 Oherwydd digwyddiadau** diweddar ym Mharc-yr-Orsedd, penderfynwyd o bosibl i sefydlu Is-bwyllgor arbennig ar gyfer y parc. I drafod ymhellach yn ystod y cyfarfod nesaf oherwydd absenoldeb y Cyng. Chris Thomas sydd wedi ymwneud â chwrs Arolwg Meysydd Chwarae a sy'n arolygu'r parc yn gyson.

Asesiad Risg wedi ei gario allan ar y 12/19 a 22ain o Dachwedd 2010.

**12.6.3 Adroddodd y Cyng. Thomas** (cyn y Cyfarfod) y byddai'r canlynol yn derbyn sylw prydlon:

**12.6.3.1** Gwaredu â'r graffiti; (Mr S.Edwardes)

**12.6.3.2** Trwsio'r fainc ger y Brif Fynedfa (Mr S.Edwardes)

**12.6.3.3** I docio canghennau'r goeden soniwyd- yng nghofnodion cynt,

**12.6.3.4** Atgyweirio'r arddangosfa Grochenwaith a chwalwyd, i'r glendid a fu.

**12.6.4 Ail-glymu bin** i'r llawr a chloriau newydd ar gyfer y biniau: Adroddodd y Cyng. Thomas na fyddai'n bosibl i'r CSC i ddarparu'r cloriau.

**12.6.5 Asyn Pren newydd: y mae aelodau** wedi ymwneud ag ymholidau ond methiant bu'r ymgais, cyn belled i ddarganfod cyflenwyr teganau pren ar gyfer yr awyr agored.

**12.7 Adolygiad Blynyddol:** Yr Iaith Gymraeg: Adroddodd y Maer - i ymgymryd â'r adolygiad yn ystod y dyfodol agos.

## **13. U.F.A.**

**13.1 Holodd y Cyng. G.Evans** paham na gesglir gwydr bellach o fewn y bagiau tryloyw ail-gylchu. Gall gwydr i'w hail-gylchu gael ei osod yn y Banc Gwydr. Penderfyniad: i gysylltu â'r CSC i ofyn os oes cynlluniau ar y gweill i gasglu gwydr oddi ar drothwy'r drws neu unrhyw drefniadau eraill mewn lle.

**13.2 Adroddodd y Gyng. Margaret Davies-Evans** fod dŵr yn cronni ar Stryd San Thomas, tu allan i'r Cyfleusterau Cyhoeddus, ar ôl iddi lawio – Penderfyniad: i hysbysu'r CSC.

Daeth y Cyfarfod i ben am 10.10pm.

## **14. DYDDIAD CYFARFODYDD NESAF:**

**14.1 Te Ieuaic Mewn Ysbryd 8.12.2010**

**14.2 Cyfarfod o Bwyllgor Ymgynghorol Rheoli Traffig Ceredigion y CSC a'r CT:** Dydd Llun 10fed Ionawr 2011 am 2pm, Neuadd Fictoria, Llambod. (Cyng Selwyn Walters)

**14.3 Cyfarfod Cyllidebol** 13 Ionawr 2011 am 7.30pm yng Nghapel Shiloh, Brif Neuadd;

**14.4 Pwyllgor Rheoli Cae Maesyderi:** Dydd Mercher 19 Ionawr am 6.30pm: Swyddfa Menter Llambod;

**14.5 CYFARFOD MISOL** 27 Ionawr 2011 am 7.30pm yn Neuadd yr Eglwys,  
Llambed.-----**(arwyddwyd a**  
**dyddiad)**